

كلمة الرئيس محمد أنور السادات

خلال لقائه بصيادي أسوان

في ٢٢ يناير ١٩٨١

أبنائي الصيادين

كل عام وأنتم بخير نلتقي كل عام علي خير ان شاء الله ويسعدني ويملأني
فخر واعزاز بكم ان الاهداف اللي بنتفق عليها بتنفذوها .. نفذتوها بجهد
وبشرف وبأمانة واليوم أنتم بتقدموا لشعب افغانستان هذه المبالغ .. الجمعية
بتتبرع بعشرة آلاف جنيه وجمعية بتتبرع بألف جنيه .. أعظم مثل لإخوانكم
المجاهدين في أفغانستان .. ده شعور مصر الأصيل .. أصالة مصر ..
وكرم مصر وايمان مصر .. المسلم أخو المسلم

هذا المبلغ اللي تבעتوا بيه ١٠ آلاف جنيه من جمعية و الف جنيه من جمعية
أخري - لن أنساه لكم ابدأ ولن ينساه لكم شعبكم ولا اخوانكم المجاهدين في
افغانستان اللي بتدوس عليهم الدبابات الروسية نساء واطفال وبيوت وجوامع
.. صيادين البحيرة اتبرعوا بهذه المبالغ .. دي روح مصر .. روح العيلة
في مصر .. روح الكرم في مصر .. روح الإخوة في مصر .. اعظم مثل
تضربوه، حكومات اسلامية وللأسف شعوبهم مسلمين وهمه بيقفوا مع
روسيا وضد شعب أفغان المسلم

صيادين البحيرة عندي أهم أباهي بكم قدامهم الحكام بتوع سوريا والحكام
بتوع ليبيا والحكام بتوع اليمن الجنوبية ، والفلسطينيين للأسف المنظمة
واقفين مع روسيا ضد شعب افغانستان المسلم أنا باقول لهم وهم مجتمعين
في مؤتمر اسلامي النهاردة ان صيادين البحيرة.. بحيرة السد العالي رفعوا
رأس شعبهم مصر ورفعوا راية الاسلام

لكم مني كل حب وانا فخور بكم ، وبلدكم فخوره بكم .. واحد منكم انتم
عارفينه علي.. شيخ الصيادين في اسكندرية عضو في مجلس الشوري
بتاخذوا مكانكم في بلدكم علشان تشاركوا في اتخاذ القرار وتشاركوا ايضا
في بناء الرخاء لبلدكم

من أول ماابتدينا نجتمع طلبت انه يكون فيه تأمين للصيادين .. هل المبلغ
موجود ؟ قد ايه ؟ حوالي نصف مليون جنيه باقى شيء واحد .. هل هناك
صياد بدون معاش ؟ طيب أصل أنا في الأول اهتمت بانه الاولاد اولادي
الصيادين بينزلوا بيقوا علي باب الله ورزقه لازم نرعاه

طيب الشيوخ الكبار دول ماهم دول بيسلفوا بالـ ٣٠٠ جنيه زي مايتقول؟
الرئيس : طيب انا سعيد اني باسمع ان كل صياد له معاش النهاردة وده كان
هدفي من الأول والهدف ايه .. الهدف ان احنا عيله واحده من أول
اسكندرية لغاية حدودنا هناك عند الشلال.. عيلة واحدة كل انسان .. الهدف
بتاعنا ان كلنا كعيلة .. كلنا نساند بعض ولكم علي حق أنا أعلنته انه من

مسئوليتي اني اوفر الحد اللازم لكل انسان علي ظهر مصر في البوادي من
الحضر في المدن في البحيرات الصيادين ، وكل فئات الشعب يؤمن عليه
في حالة العجز ، وفي حالة الشيخوخة وفي حالة المرض وفي حالة الموت
.. انا فخور بكم والمبالغ اللي تبعتوا بيها دي مش أنا بس مصر كلها فخورة
بكم .. الشعب العربي المسلم كله والعالم الاسلامي ٨٠٠ مليون فخور بكم
النهاردة لان كلامي دهه حيسمعوه النهاردة ويعرفوا انه طائفة من اولادي
... الصيادين في بحيرة السد من قوتهم ومن عرقهم ومن شقايم ادوا
لاخوانهم في افغانستان ١١ ألف جنيه

ابدا ده فخر لكم وفخر لي وفخر لمصر كلها بكم وزى كل سنة إن شاء الله
نلتقي علي خير وكل طلباتكم اللي اتكلم عنها شيخكم بيعملوها لكم كلها ..
حاحاول ان شاء الله ان شاء الله وكل سنة وانتم طيبين